

|   |   |  |
|---|---|--|
| <p><b>Comunu de Bàini</b><br/>Provincia de Aristanis</p> <p>Bia Indipendèntzia, 3<br/>09090 <b>BÀINI</b> (OR)</p>   |  | <p><b>Comune di Villa Verde</b><br/>Provincia di Oristano</p> <p>Via Indipendenza, 3<br/>09090 <b>VILLA VERDE</b> (OR)</p> |
| <p><b>Telèfunu 0783.939023 – Telefax 0783.939000 - C.F. e P. IVA 00073870958</b><br/>Internet: <a href="http://www.comune.villaverde.or.it">http://www.comune.villaverde.or.it</a> E-mail: <a href="mailto:comune.villaverde@tiscali.it">comune.villaverde@tiscali.it</a></p> |   |  |

## *Giogaus cun sa lingua sarda*

**Famillias Garbosas ,**

Toponinu e Cicetu Arrùbiu si cumbidant a s'atòbiu aprontau de s'amministratzioni comunali impari a s'Ufitziu lingua sarda de is Comunas de Bàini e Pau, chi s'at a fai mèrcuris 14/03/2012 de is 17:00 a is 19:00 in sa Biblioteca Comunali de Pau, po jogai e imparai cosas medas in sardu totus impari, mannus e pitius, mammas, babbus e piciocheddus.



S'aministratzioni de Bàini, impari a s'Ufitziu lingua sarda e a sa Biblioteca, pentzant ca no tochit a s'iscaresci sa lingua nostra e ca, pruscatotu cun is pipius, ma cun is mannus puru, ci siat s'abisòngiu de dda torrai a bogai a pillu.



Po custu s'est pentzau de fai unu laboratòriu de lingua sarda po is pipius chi tenit de is 4 a is 10 annus de edadi, ma cun s'idea de trisinai a paris is babbus o is mammas de is pipius puru, no feti po ddus acumpangiai, ma po abarrai a biri, a fueddai, a jogai e a s'ispassiai puru.

Giòghendi e ischertzendi s'ant a fai atividadis in lingua sarda chi ant a ponni a pari is pipius de Pau cun is pipius de Bàini, ma no feti: custus jogus ant a serbiri po agiudai s'imparu de sa lingua sarda, ma a s'ispassiai puru cun contus, disinnius, jogus in su computer e a scuadras, asuba is logus nostrus e su padenti puru.

S'iscopu est valoritzai sa lingua nostra chi est una parti de s'identidadi de dònna sardu, ma fintzas agiudai totus is sardus a torrai a manigiai su sardu po chistionai, jogai e

iscriri.

Difatti fueddai in sardu, imparendiddu a is pipius puru, no est cosa mala e nimancu tocat a si ndi sbragungiri, ma podit essi fintzas unu agiudu mannu po s'imparu de is atras linguas comenti a s'inglesu, a su francesu e s'ispaniolu puru.



Est cosa fintzas arreconnota de sa comunidadi scientifica internatzionali ca is pipius bilinguis funt prus scadrallutus e lestrus a imparai sa de tres o sa de cuatru linguas, ma atras cosas puru, poita su ciorbeddu cosa insoru est prus allenau de is atrus.

Insaras, su primu atòbiu at a essi mècuris 14 in sa biblioteca de Pau, ma si nd'at a aprontai prus o mancu unu a su mesi de imoi a s'istadi, fadendi a borta a borta, unu in Pau e unu in

Baini.

E a s'acabu, cun su tempus bellu, mancai in austu o a s'inghitzu de cabudanni, s'at a fai una bessida puru, totus impari, mammas, babbus e pipius, po imparai a connosci in lingua sarda matas, fròris e fruta, ma fintzas po abarrai a papai in logu de sartu e s'ispassiai.

S'abetaus in medas...

---